

gekouft hatte nach lute der briefe, die dar obir gegeben syn, das wir den hochgeboren fursten hern Frederiche vnd hern Wilhelme gebrudern, des egenanten hern Frederichs sōnen vnsern genedigen herren gegunst haben, uf iren stet in zcu Lipczk sechzig schog, zcu Torgaw vierzig schog, vnd an irem teyle der stad zcu Misen funfundczwenzig schog alles ierlichir zcinse widir abe zcu koufen, die sie vns ouch gereyte vmbe funfzehnhundert schog abe gekouft vnd vns der selbin summen achtehalbhundert schog nutzlichen vnd wol bezalt haben, die wir ouch an vnser goczhusen nutz vnd kuntlichen fromen gewant habin; vnd sagen sie vnd ere erbin der egenanten summen geldis achtehalbhundert schog quied ledig vnd los mit craft desis briefis, vnd sie sullen vns die andern achtehalbhundert schog bezalen uf sente Michels tag schirst kommen. Were ouch, das das andir halbe teyl der stad zcu Misen vnd die stad zcum Hayne, die iczunt vnser genediger herre er Frederich der junger lantgraffe in Doringen vnd maregraue zcu Misen ynne hat, an die vorgeanten hern Frederich vnd hern Wilhelme syne vettern queme, in welchir maße das geschege, so sullen vnd wollen wir yn zcu losunge siczen mit den andern czinsen zcu Misen vnd zcum Hayne nach lute der alden briefe, die vor dorobir gegeben syn. Des zcu orkunde haben wir Rudolff bisschoff zcu Misen vnser ingesigil, vnd wir Wenczlaw tumprobist, Johannes techand vnd gancze capittel da selbis zcu Misen vorgeanten vnser capitels ingesigil wissentlich an desin brieff lasin hengen, der gegeben ist noch gotis gebort vierzehnhundert iar darnach in dem eylften jare am nehesten montage vor sente Johannes tage des tōufers.

Nach dem Orig. im K. Haupt-Staatsarchiv zu Dresden mit den Siegeln des Bischofs und des Capitels an Pergamentstreifen.

No. 824. 1411. 6. Juli.

B. Rudolph verspricht unter Zuziehung von Bürgern 45 Schock Gr., welche sein Vorfahr B. Thimo schuldig geblieben, an Nic. von Grislow nächste Michaelis zu bezahlen.

Wir Rudolph von gotis gnaden bisschoff zcu Missen selbschuldiger, Jan von Spal, Syfart von Nussedelicz, Keseling von Hermansdorff burgen bekennen — das wir schuldig syn rechtir schult dem gestrengen Nickel von Grislow zcu Helbigistorff^{a)} gesessen vnd synen erben vumff vnd vierzig schog Bemischer grosschen Pregischer czal sulchir schulde, als der erwerdige her Thyme seliger etzwanne bisschoff zcu Missen vnser nest vorvarn dem vorgnanten Nickel von Grislow vnd synen erben schuldig gewest vnd blebin ist; dy selbe schulde wir vorgnanter bisschoff Rudolph uff vns genomen habin von vnser kirche wegin vnd geloben alle selbschuldiger vnd burgen dem obgnanten Nickel von Grislow vnd synen erben dy megnanten summen geldis vumff vnd vierzig schog zcu bezalen uff den zcumftigen sente Michilstag mit bereitem gelde ane allis hindirnisse vnvorsprochin vnd vmbehabit geistlichis adir wertlichis gerichtis. Geschege adir dy bezalunge nicht uff dy cziit als obin geschriben stet, vnd wir vorgeanten burgen vormant wurden von dem egenanten Nickel

a) Helmsdorf bei Stolpen; vgl. Bd. I. no. 142. S. 125.